

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Epistolarvm [epistolarum] D. Philippi Melanchthonis
Farrago**

Melanchthon, Philipp

Basileae, 1565

VD16 -M3220

IllustriSSimo & fortissimo uiro, Tarnouio,capitaneo Cracouiensi,&c.Philippus
Melanchthon S. D.

[urn:nbn:de:bsz:31-312770](#)

re sperare possumus eam consecutam esse eterna
gaudia cum Christo, ubi iterum una uicturi esis,
& inter sanctos fruemini illa eterna et uere iucun-
da consuetudine. Postremo Christianos scire de-
bet, & peccatum esse, frangi dolore, & irasci iudi-
cio Dei, & repugnare uoluntati eius. Has ego mihi
consolationes in multis meis casibus proponere so-
leo, quas scio uobis notas esse omnes. Quare non
scribere uolui prolixius. Collegi autem eas bre-
uiter, ut meum uobis studium ostenderem. Iubet e-
nim Paulus, ut doleamus cum dolentibus. Et uale-
re aliquid in Ecclesia, mutua fratrum cōsolatio de-
bet. Ideo rogo ut meas literas boni cōsulatis, uosq;
pro uestra sapientia & pietate erigatis, & dolo-
ri resistatis: & cogitatis nos Christianos non ad hu-
ius uitae delicias, sed ad acerrima certamina uoca-
tos esse. neq; tamen defuturum nobis Christum, qui
ait: Non relinquam uos orphanos. Aderit & ipse
nobis, cum uerbo ipsius nos sustentabit, & erigit.

V. lib. 4. p. 11. Bene & feliciter ualete. Anno 36.

Pascha.

Illusterrimo & fortissimo viro, Tarno-
uio, capitaneo Cracouensi, &c. Phi-
lippus Melanchthon

S. D.

Pergratum mihi fecit Ioannes uetus amicus,
quod in conuentu Ratisbonensi, quo me fato for-
tassis

tafis aliquo in certamine de doctrina Christiana
 cum non leuibus conflstantem curis adiit. Sensi e-
 nim ipfus congressu, et dulcissimis sermonibus, me
 diocriter animum defessum recreari. Cum autem
 de patria, et de hac sua militia, in qua nunc uersa-
 tur, ea mihi narraret, quæ forte requirebam: sepe
 eum rerum series ad tuas res gestas ac uirtutum ha-
 rum prædicationem deducebat. Quia oratione cùm
 delectari me animaduertisset, hortator mibi fuit, ut
 ad te scriberem. Gessi morem homini amico, pre-
 sertim cùm affirmare literas nostras non ingratas
 tibi fore. Ego cùm de natura humanae imbecilli-
 tate et inconstancia cogito, sepe omnium in Euro-
 pa gentium historias animo reputo, ac collapsa im-
 peria, fractam uirtutem plurimorum deploro. Græ-
 cia, quæ olim domicilium erat uirtutis et liberta-
 tis, nunc barbarica seruitute oppressa est. Italia
 non solum uetus imperij decus, sed etiam militiae
 studia amisit. In Germania, extincta ueteri discipli-
 na et grauitate, qui nunc sunt clari duces? Hec
 cum cogito, mirari soleo gentem Henetam, quæ et-
 si antiquitate cæteris anteceat omnes, nondū effeta
 tot seculis, gloriam rei militaris et regni decus in-
 ter florentissimas nationes tuetur, ac perpetuò cla-
 risimos duces gignit. Quā longa series esset, se-
 inde usque ab Antenore, aut Telepho, aut Stileone,
 gentis Henetæ duces usq; ad Casimiri regis æta-
 tem

tem recensere uelim? Gratulor igitur perpetuā felicitatem genti uestrae, quæ nunc quoq; uirtute & ducum gloria cæteras nationes antecellit. Neminè enim hoc tempore duci Tarnouio anteferre possumus. Huius uictoria celebratur, & propter magnitudinem rerum gestarum, & propter utilitatē. Nam hic unus custos esse huius partis Europæ aduersus Scythicam barbariem existimat. Hoc decus & reipublicæ Christianæ & tibi gratulor: & opto, ut Deus rerum conditor te seruet, & uocet aliquando ad res gerendas maiores, ac liberandam à Turcica barbarie & tyrannide uniuersam Europam. Ad hanc rem cum opus sit regum opibus & concordia, ei omnes uota faciat, ut Deus regum animos excitet, ut tot gentiū Ecclesiæ tegere armis, consilio, & iunctis uiibus tandem uelint. Hæc ad te scripsi, ut meum studium tibi declararē. Nam cum arma uestra bonarum rerum doctrinam defendere debeant, uicissim decet ordinem nostrū uiros fortes amare & colere. Ego uero in primis uestre gentis præstantes uiros amo. Quare me uicissim ut complectaris, te etiam atq; etiam oro. Bene & feliciter uale: Ratisbonæ, 9 Iulij. 1541.

Episcopo Cantuariensi S. D.

Reuerendissime præful. Ex Ostandro, uiro optimo, & mihi ueteri amicitia coniuncto, & ex multis